



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მელვინეთუხუცესიშვილი დიმიტრი კონსტანტინეს ძე

მელვინეთუხუცესიშვილი დიმიტრი კონსტანტინეს ძე (1815, სოფ. ხიდისთავი, ახლანდ. გორის მუნიციპალიტეტი, – 6. XII. 1878, იქვე), ისტორიკოსი, მწერალი, თეატრის მოღვაწე. სწავლობდა თბილ. გიმნაზიაში. XIX ს. 4)-იან წლებში მსახურობდა რუსეთის არმიაში და მონაწილეობდა ბრძოლებში კავკასიელი მთიელების წინააღმდეგ. დაჯილდოებული იყო წმ. სტანისლავის IV ხარისხის ორდენით. სამხ. სამსახურს თავი მალევე გაანება და 1845 მუშაობა დაიწყო გორის სასამართლო კანცელარიაში, 1851 – თბილ. სახელმწ. კანცელარიაში.

1847-იდან თანამშრომლობდა მ. [ბროსესთან](#). მასთან ერთად შეკრიბა წარწერები, საბუთები, ხელნაწერები. შემდეგ დამოუკიდებლად იმოგზაურა საქართვე. სხვადასხვა კუთხეში და შეკრებილი მასალა პეტერბურგში გაუგზავნა მ. ბროსეს, რ-მაც იგი რუსეთის აკადემიის მოამბეში გამოაქვეყნა. მ. მონაწილეობდა ქართ. თეატრის აღდგენაში. წერდა პიესებს, ლექსებს.

1852 კავკასიის მთავარმართებელ მ. [ვორონცოვის](#) დავალებით უფლისციხეში წამოიწყო პირველი არქეოლ. გათხრები, რ-იც მიზნად ისახავდა ძეგლის მეცნიერულ შესწავლას, ამიტომ მ. ითვლება საქართველოში გათხრითი არქეოლოგიის ფუძემდებლად. გათხრების დროს ნაწარმოები მისი სავლელ დღიურები და მოპოვებული არქეოლ. მასალა დაიკარგა. ჩატარებული სამუშაოების შესახებ წარმოდგენას გვიქმნის ძირითადად გაზეთ „კავკაზში“ დაბეჭდილი მოკლე ანგარიშები.

სიცოცხლის ბოლო წლები გაატარა სოფ. ხიდისთავში. მისი ხელნაწერი ნაშრომები, ნარკვევები და ისტ. მასალები დაცულია პეტერბურგის აღმოსავლეთმცოდნეობის ინ-ტის

ხელნაწერთა განყ-ბის მ. ბროსეს ფონდში. ჩვენამდე მოაღწია ისტ. ხასიათის რამდენიმე ნაშრომმა: „მეფობა და ცხოვრება ერეკლე II-ისა“, „აღწერა გორთან მდებარე ეკლესიებისა, მონასტრებისა და მათ ზედა ღირსსახსოვარ წარწერათა სრულიად“, „მოგზაურობა გორთან, ხიდისთავსა შინა 1849-სა წელსა“, „მოგზაურობა და მოხილვა იმერეთისა 185) წელსა“. თანამშრომლობდა „ცისკართან“ და „სასოფლო გაზეთთან“. ავტორია კომედიებისა: „ეჭიმბაში“, „კატა აწონა“.

ლიტ.: ა ლ ი მ ბ ა რ ა შ ვ ი ლ ი ი., დიმიტრი მეღვინეთუხუცესიშვილი (ცხოვრება და მოღვაწეობა), თბ., 2)16; გ ა მ ყ რ ე ლ ი ძ ე გ., ქართული არქეოლოგიის ისტორიიდან, თბ., 1996; საქართველოს კალენდარი, 1896 წ. შედგ. ვ. გუნიას მიერ, თბ., 1895; ხ ა ნ თ ა ძ ე შ., დიმიტრი მეღვინეთუხუცესიშვილის წერილები მარი ბროსესადმი, „საისტორიო მოამბე“, 1952, [ტ.] 6; ხ უ ც ი შ ვ ი ლ ი ს., [რეც.]: „გამოუცდელობა ანუ დროებითი განშორება საყვარელთა“ [დ. მეღვინეთუხუცესიშვილის პიესის დადგმის გამოქ. გორში, 1845 წ.], „ლიტერატურა და ხელოვნება“, 195), 21 მაისი, № 21.

შ. ხანთაძე
